

DE EMENDA

TIONE ECCLESIAE LIBELLVS, A REVE

rendissimo domino Petro de Aliaco Car
dinali Cameracensi, patribus olim ob
latus in concilio Constantiensi con

gregatis. quod Christianissimus
princeps Sigismundus Augu
stus conuocarat, non tam
ob ecclesiae concordiam,

quam communis mo
rum emendatio
nis spe. Quæ

quo minus processerit per hunc non
stetit, sed per Ecclesiasticos,
Germanicæ simplici
tati imponente Ro
mana astutia.





Vius cor tam est lapideum, quod non cōmouetur; cuius oculi tam sicci sunt, ut non madescant undis lachrymarum, qui cogitet quid intentatum reliquerit Christianissimus ille princeps Sigismundus Aug. quo dissidentes in cōcordiam redigeret pontifices, ut tandem rempublicam Christianam pulchre emendatam ad euangelicam amussim cerneret prius quàm uita defungeretur. Indixit conciliū in Cōstantia Germaniæ. Ipse in Britanniā nauigauit, in Aragoniam profectus est, Galliam adiit amore concordia. Quam ubi tandem obtinuisset, & iam Oddo Columnensis in pontificem electus esset, exuberāti gaudio uelut extra se raptus plānè sperabat ecclesiasticos proceres emendationi publicæ statim operam duros. At pientissimum principem nouus pontifex belle elusit, asserens se de hac re per ocium cogitaturū, in primis adeundam esse Romā, cuius templa absente iam annis aliquot pontifice, passim collaberentur, & quod Petri patrimonium uocant, è tyrannorum manibus eripiendum. Quasi uero non præstet quicquid est Romæ sacellorū corruere, si morū emendatio possit obtineri. Templa semper restitui

stitui possunt, & opibus ornari. Emendatio ope
 diuina habet opus, & animis principū in hoc la-
 borantibus. Sic elusus fuit Sigismundus Cæsar,
 qui alioqui natus uideri poterat ad Christianis-
 mum orbi restituendū. eius adhuc extant in Ger-
 manica lingua de omnium ordinū emēdatione
 pro tota republica Christiana grauissimæ cōsti-
 tutiones. Idem animi uidetur habuisse Petrus ab
 Aliaco Cardinalis Cameracensis, qui licet infe-
 ctus esset Theologia ista scholastica, quæ est in-
 geniosa cum ad conscientias in nugis aggrauan-
 das, tum rursus ad inueniendas excusationes in
 peccatis multo solertissima, temperare tamen si-
 bi nō potuit, quin hunc libellū, quē diu suppres-
 sum nunc emittimus, pro publica morū emenda-
 tione à se conscriptū, patribus in Cōstantia Ger-
 manix iussu Cæf. Sigismundi congregatis offer-
 ret. Quo tamen haud plus effecit, quā abhinc
 aliquot annos Raimundus Cardinalis Gurcen-
 sis sua priuatim monitione. Nam cū is cōmodū
 Romam reuertisset, onustus auro Germanico,
 quod suprema sua legatione fungens, ex distra-
 ctione thesauri illius indulgentiarum inexhausti
 corraferat (meritorū Christi uidelicet, & sancto-
 rum, quæ illis superabant cū iudice deo rationē

*Theologia scho-
 lastica.*

A ij ineun-

ineuntibus) forte in senatu purpuratorū patrū
(consistoriū illi uocant) rogatus est, quidnam de
Roma sentirent Barbari, quando ad illos tanta
benignitate merces indulgentiarū importaren-
tur. Respondit Raimundus, Totū orbē conque-
ri de luxu fastūque Cardinalium. Quod nisi uos
(inquit) emēdatos uiderint, erit in periculo resp.
nostra. Id cū pluribus uerbis repeteret, cuncti cō-
trahebāt ad hunc sermonem frontes & humeros
suos, qui Italici mos est. Cæterū ut optimus pater
deinceps taceret de reformatiōe re ualde odiosa
Romæ, de qua nimis cœperat loqui, bono haud
dubie zelo motus, cōmunicato prius consilio cō-
uenit inter Cardinales, ut unus ex ipsis notæ au-
daciæ sic senem pudefaceret. Quod ordo noster
apud Barbaros male audit, tu ipse in causa es,
qui tam copioso famulatio, tanto luxu uestium &
epularū, tātōque splēdore domesticæ supellecti-
lis usus es, ut inuidiam & tibi & nobis cōpararis.
atq; hæc cū stomachi significatione prolocutus
est. Intellexit rē statim optimus pater, & deinceps
siluit. Itaque deus opt. max. orandus est, ut illu-
stret cæcas hominū mētes & pectora cæca. Nā
à nobis nulla spes est, quos omneis cōmunis cula
pa uelut eodem fasce constringit. Vale lector.

DE REFORMA

TIONE ECCLESIAE, LIBELLVS REVE-

rendissimi patris D. Petri de Aliaco Car
dinalis Cameraacensis, oblatu primo
ribus ecclesiasticis in concilio Con
stantiensi, iussu Cæs. Sigismundi
congregatis. An. M. CCCC.
XV. Mense Nouembri.

PRAEFATIO.



E REFORMATIONE
ecclesiae dudū plura
per me scripta nunc
compendiosius recol
ligere, & sacri genera
lis concilij Cōstanti
ensis examinationi &
correctioni præsenta
re decreui. Quæ ec

clesiae reformatio quam necessaria olim fuerit, &
amplius modo sit, euidenter ostendit deffenda
ipfius deformatio. de qua lamētabiliter conque
rebatur beatus Bernardus sermone xxxiij. su
per Cantica, ita dicens, Serpit hodie putrida ta
bes per omne corpus ecclesiae, & quo latius co

A in desper

desperatius, eoque periculosius quo interius. Nam si insurgeret apertus hæreticus, mitteretur foras & arefceret: si uiolentus inimicus absconderet se forsan ab eo. Nūc uero quem eijciat, aut à quo abscondet se? Omnes amici, & omnes inimici. omnes necessarii, & omnes aduersarii. oēs domestici, & nulli pacifici. omnes proximi, & omnes quæ sua sunt quærunt. ministri Christi sunt, & seruiunt antichristo. honorati incedunt de bonis domini, qui domino honorem nō deferūt. Et enumeratis quibusdam excessiuis abusibus ecclesiasticorum, subdit, Olim prædictum est, & nunc tempus impletionis aduenit, Ecce in pace amaritudo mea amarissima. Amara prius in nece martyrum, amarior post in conflictu hæreticorum, amarissima nunc in moribus domesticorū. Non fugare, non fugere eos potest, ita inualuerunt, & multiplicati sunt super numerum. Intestina & insanabilis est plaga ecclesiæ. & ideo in pace amaritudo eius amarissima. Sed in qua pace? Et pax est, & non est pax. Pax à paganis, pax ab hæreticis, sed nō profecto à filijs. Vox plangētis in tempore isto, Filios enutriui, & exaltaui, ipsi aut spreuerūt me. spreuerunt & maculauerūt me à turpi uita, à turpi quæstu, à turpi cōmercio, à negotio

Non ergo fiet
reformatio nisi
si per tyrannū
aliquem, aut in
particulari per
Ioannem Ligo-
nizatorē, Han-
sen mit dē karst

denique perambulante in tenebris. Si hæc à beato Bernhardo dicta sunt, nūc multo magis dici possunt. quia extunc de malis ad peiora processit, & in omni tam spiritali quàm seculari statu abiectō decore uirtutum in uariam cecidit turpitudinem uitiorum. Propterea extunc quidam spirituales mala hæc subtilioris intelligentiæ oculo præuidentes, præsentis ecclesiæ persecutionem & huius schismatis horrēdam monstruosamque diuisionem, subtractionem quoque obedientiæ ab ecclesia Romana, & alia plura scādaloſa inde secutura prædixerūt, sicut patet in libris abbatis loachim & Hildegardis, quos non esse contemnendos, quorundam magnorū doctorū probat autoritas. Hæc autem deus misericordissimus, qui solus ex malis bona nouit elicere, ideo permittere credendus est, ut eorum occasione ecclesia sua in melius reformatur. Quod nisi celeriter fiat, audeo dicere, quod licet magna sint quæ uideamus, tamen in breui incomparabiliter maiora uidebimus, & post ista tonitrua tam horrēda, maiora alia horribilia in proximo audiemus. Ea propter summo opere uigilandū est circa reformationem ecclesiæ. Ideo circa hoc aliquas considerationes particulares scribere & prudentum exami-

examinationi proponere dignum duxi, nec omnes quidem. quia ad hoc & maiori libro & maiori ingenio opus esset, sed utiliores, & meo iudicio magis necessarias, & per quas ad omnes alias uia poterit facilius aperiri.

Prima autem consideratio erit de reformandis circa opus ecclesiæ.

Secunda, de reformandis circa eius caput, scilicet circa statum Papæ, & Romanæ curiæ.

Tertia, de reformatione principalium ecclesiæ partium, scilicet prælatorum.

Quarta, de reformandis circa religiones & religiosos.

Quinta, de reformandis circa cæteros ecclesiasticos.

Sexta, de reformatione laicorum Christianorū.

DE REFORMATIONE CIRCA
OPVS ECCLESIAE.



Prima consideratio est de his, quæ uiderentur reformanda circa totū corpus uniuersalis ecclesiæ. Vbi primo occurrit esse expediens, & necessariū, quod sæpius quàm hactenus factum sit, generalia concilia celebrētur.

Item

Item uidetur expediens quod etiam sæpius celebrarentur concilia prouincialia . quia , ut patet xviij. dist. decreti, sancti patres propter ecclesiæ utilitatem, primo statuerunt ea bis in anno celebrari. Postea uero propter fatigationes, & ut opportune haberentur, hi qui cōgregandi sunt, statuto synodali definierūt, omni excusatione remota modis omnibus semel in anno fieri, & deprauata corrigi. Vnde & episcopi, qui ad synodum uenire contemnunt, & principes qui hoc prohibent uel impediunt, uel Metropolitani qui absque rationabili causa hoc agere negligunt, canonicis pœnis subiacent, ut hæc probātur in dicta dist. quasi per totum, & in multis canonibus conciliorum. ut in secundo cap. Carthaginensis concilij tertij. & in alio capitulo Toletani concilij sexti, & in tertio capitulo quarti concilij Toletani, ubi sic legitur, Nulla penè res disciplinæ mores ab ecclesia Christi magis expellit, quàm negligētia sacerdotū, qui contemptis canonibus ad corrigēdos mores synodos facere negligunt. Et certe hodie docet experientia, quot & quanta mala ex huiusmodi negligētia proueniant . Et ideo necesse est prouidere, ut huiusmodi cōcilia sæpius fiant, & si non semel in anno iuxta rigorem cano-

B num

¶ PETR. DE ALIACO CARD. CAMER.

num, saltem de triennio in trienniū ad euitandū uexationes itinerū, laborū & expensarū, & quia omne rarū, pretiosum. Et si dicatur quod hodie nō est opus generalia aut puincialia concilia cōgregare, sicut fuit in primitiua ecclesia: & quod ad tollendū uexationes prælatorū in huiusmodi cōcilijs, Ro. ecclesia seu papalis curia potest sufficiēter casibus emergētibus respōdere. Respondetur, quod hoc nō est utique uerū. Tū primo, quia experientia docet, quod ppter defectū conciliorū & maxime generalīū totius ecclesiæ, quæ sola potest audaciter & intrepide omnes corrigere, ea mala quæ uniuersalē tangunt ecclesiā diu remanserunt impunita, incorrecta, & adeo creuerunt & inueterata sunt, ut tādē multa iniusta & iniqua sub prætextu fictæ & corruptæ cōsuetudinis licita reputentur. Item multi suspicantur, quod hæc dissimulauerit Ro. curia, & super hoc concilia fieri neglexerit, ut posset ad suæ uolūtatīs libitū plenius dominari, & iura aliarū ecclesiarum liberius usurpare. Quod non assero esse uerum. Sed quia cōtra eam huiusmodi laborat infamia, debent ad eam purgandā super cōgregatione conciliorū generalīū & puincialīū prouidere. Alioqui, iuxta dictū Augustini, si famā suā negli

Nota bene.

negligit, crudelis est. Item illa sanctissima Ro. curia, s. Petri, & Apostolorū licet potuisset sine congregatione concilij, per epistolas uel alias uias, causas, & negocia ecclesiæ faciliter terminare, tamen legitur quatuor cōcilia celebrasse, sicut patet in Actis xvi. xv. & xij. cap. Vnde per hoc exemplum instructionis de sæpe congregandis cōcilijs, suis posteris reliquerūt. Nam licet Christi, sic & Apostolorū suorū à capite nostro est instructio, iuxta illud Apostoli, Imitatores mei estote, sicut & ego Christi. Item in quarto cap. canonis dicit Isidorus, Quod quia ante tēpora Cōstantini, nō erat episcopis licentia cōueniendi in unū, scilicet publice per modū cōcilij generalis, ideo Christianitas in diuersas hæreses scissa est. Et ita dicere possumus modo, quod propter defectū celebrationis conciliorū, ecclesia in diuersa schismata, & alia innumerabilia mala forte etiā ad hæreses disponentia prohdolor lapsa est, sicut experientia docet. Itē; si cōcilia sæpe celebrata fuissent, uerisimile est quod hoc nehandum schisma nō tam diu perdurasset, nec forte schisma Græcorū Vnde huiusmodi schismatibus debuisset cito per concilium generale prouideri, ut in primitiua ecclesia docuerūt Apostoli, put legitur Actorū vi.

B ij quod

quod quia ortum est murmur Græcorū aduersus Hebræos &c. statim xij. apostoli ipsum conuocata multitudine sedauerūt. Similiter Act. xv. orta dissensione propter obseruantiam legaliū, sancti Paulus & Barnabas ascenderunt ad apostolos in Hierusalē. Vnde patet, quod ualde dānabiliter peccauerunt illi principes seu prælati, qui pro sedatione huiusmodi schismatis, conuocationem concilij neglexerūt aut impediuerunt. Item aliqui sunt casus ardui necessario reformandi, in quibus non potest cōmodius quā per generale concilium prouideri, sicut patet primo de reformatione Romanæ Curiaē, quæ, ut infra dicetur, necessaria est reformari, sicut nec contempsit à generali concilio plures principatus honores recipere. quia licet principaliter Romana ecclesia principatum habuerit à domino, tamen secundario à cōcilio, ut dicit glo. xvij. di. super cap. concilia. Itē reformatio totius corporis ecclesiæ & particularis ecclesiæ Ro. est de arduis pertinentibus ad fidem, nā eius generalis deformatio nō mediocriter fidē tangit, & per cōsequens eius reformatio. Ideo in hoc nō debet Papa aut eius curia deliberationē cōcilij respuere, quia sicut dicit glo. xix. dist. super. c. Anastasius, Papa debet requirere

118
 quirere concilium episcoporum, ubi agitur de fide
 Quod non solum intelligo de articulis fidei, sed de
 arduis tangētibz uniuersalem statum fidelis ec-
 clesiae. Quod notat Archid. xv. di. in c. ubi di-
 ctam glo. approbans addit, quod nimis pericu-
 losum esset fidē nostram cōmittere arbitrio uni-
 us hominis. Et idcirco Papa in casibus nouis &
 arduis ad deliberationē cōciliij recurrere consue-
 uit. Item duo sunt arduissimi casus fidem & fide-
 les omnes mutabiliter & miserabiliter cōcernen-
 tes, quibus esset per generale concilium necessa-
 rio prouidendum. Vnus est de modo prouiden-
 di contra Sarracenos & alios infideles, fidem &
 Christianitatem impugnātes, & nunc multo pe-
 riculosius quā à multis retroactis temporibus
 fecerunt contra ecclesiam catholicam insurgen-
 tes. quibus si celeriter non obuietur, timendū est
 ne Constantinopolitanum imperium iam multi-
 pliciter ab eis laceratum & uexatum, penitus de-
 struatur, Ac deinde Ro. imperium iam diuisum
 & penē ad ruinam præparatum inuadant, & sic
 ecclesiam destruant iam schismate laceratam, ut
 sic uia præparetur aduentui Antichristi, de quo
 prædixit Paulus, Nisi uenerit dissensio primum
 &c. quod exponit glo. de duplici dissensione seu

Hoc esset homi-
nes cogere.

diuisione, una ab imperio, alia ab ecclesia Rom.
quæ præuenire debet Antichristū. Et utramque
iam præsentialiter multi deuoti fideles nō im-
rito pertimescūt. Alius casus est de modo proui-
dendi circa Græcos, ut ad unitatem Ro. ecclesiæ
reducantur. quod nunc maxime opportune fie-
ri posse uidetur, dum eorum Imperator inter La-
tinos degens à Ro. ecclesia, & dominis tempora-
libus præcipue à Francorum rege contra infide-
les cogitur auxilium & subsidium postulare. De
uijs autem & modis circa dictos casus seruandis
scripserūt plures fidei zelatores, & specialiter fra-
ter Humbertus de Romania quondam magister
quintus ordinis Prædicatorū tractatū utilem cō-
posuit, ut super his, puidetur in concilio genera-
li Lugdunen. sub Gregorio papa lo. celebrādo.

DE REFORMATIONE CAPITIS, HOC EST
STATVS PAPALIS, ET SVÆ ROMA-
NAE CVRIÆ ET CARDINALIVM.



Ecūda cōsideratio est de his quæ
reformanda uidētur circa caput
corporis ecclesiæ, id est, circa sta-
tum papæ & suæ Rom. curiæ. Et
primo tollendus esset ille detesta-
bilis

119
bilis abusus à quo primo schisma originem tra-
xit, scilicet quod una natio siue regnum aliquan-
do ultra aliquando citra montes, in scandalum
residuæ Christianitatis, ita diu papatum tenuit,
ut posset dicere, Hæreditate possideamus san-
ctuarium dei. Quod quàm detestabile sit præci-
pue in papatu, ostendit ille qui ait, In ueritate cō-
peri quod nō sit personarum acceptor deus &c.
Item pro dicta prouisione esset statuendū, quod
de cætero maior pars Cardinalium non posset
assumi de uno regno siue de una natione, sicut
quandoque hæctenus factum est, in magnū scan-
dalum plurimorum, sed quod de diuersis regnis
& prouincijs indistincte iuxta personarum meri-
ta assumantur. Quia sicut apud deum, ita apud
Dei ministros non debet esse acceptio perso-
narum. Et uideretur sufficere, quod de una pro-
uincia solum esset unus Cardinalis, ut sic in eo-
rum p̄motione & multiplicatione tolleretur, uel
saltem restringeretur & artaretur carnalis affe-
ctio promouentis, Et ut per assumptos de diuer-
sis prouincijs, diuersitas morum & statuum ca-
rundem, Romanæ ecclesiæ innotesceret ad utili-
tatem & salutarem prouisionem incolarū. Item
quia una causa præsentis schismatis fuit, quod
Car

Cardinales nimis tardauerunt declarare & fideles sufficienter informare quod primam electionem fecissent ui & metu. Ideo ad tollendū ne aliās similis scandali detur occasio, expediens uideretur artari aliquod tēpus, ita quod talis exceptio deberet allegari, & ultra quod nec illa nec alia exceptio contra Papæ electionē posset per Cardinales opponi. Et esset etiam per concilium declarandum, quis de huius causa metus haberet cognoscere. quia lo. An. super Clemen. de elec. quærit, quis de huius causa metus cognoscere haberet si allegaretur circa electionē Papæ. Et respondens dicit, quod ista nondum decisa nec prouisa, egebūt prouisioni. Item necessaria erit reformatio & prouisio circa grauamina, quæ Romana ecclesia infert alijs inferioribus ecclesijs & prælatis. Et maxime in tribus, de quibus conqueritur præallegatus frater Hūbertus in dicto tractatu suo parte ij. c. xi. ubi dicit, quod causa dispositiua schismatis Græcorum inter alias una fuit propter grauamina Romanæ ecclesiæ in exactionibus, excōmunicationibus, & statutis. De primo grauamine, & contra hanc multitudinem & magnitudinem exactionum, prouidendum esset tripliciter. Primo, per diminutionem

Grauamina ab ecclesia Ro.

Tria grauamēta

Grauamen exactionū Papaliū.

pom

pompoforum Itatuum & exceſſuarū expenſa-
rum, ut ſic Ro. eccleſia minus eſſet oneroſa ſubie-
ctis, & ut etiam eis eſſet exemplum humilitatis, & *Pompa Romae
ni pontificis.* 121

forma uirtutis, inſtar Chriſti, cuius ipſa uicaria-
tum & à quo primatus honorē tenet, qui ait, Di-
ſcite à me, quia mitis ſum & humilis corde. *Attende bonū
conſilium.*

Secūdo, per diminutionem & artationem huiusmodi
exactionum, ſic ſcilicet, quod certa ſumma ratio-
nabilis determinaretur & limitaretur pro mode-
rato ſtatu Papæ & Cardinalium, ſubiectis eccle-
ſijs imponenda, & per diocceſes proportionabi-
liter distribuēda, & à diocceſanis recolligēda, &
in certis terminis ſoluēda Romanæ curiæ, ultra
quam ſummam noua exactio non poſſet impo-
ni ſine autoritate & conſenſu generalis concilij.

Tertio, per diminutionē numeri Cardinaliū, ita
quod nō eſſet tantus nec tam oneroſus numerus
ipſorum, ſicut haſtenus fuit, ne Romanæ curiæ
dici poſſet, Multiplicaſti gentem, & non magni-
ficaſti lætitiā. Item circa ſtatū Cardinalium &
aliorum eccleſiaſticorū prouidēdum eſſet, quod
deinceps non tenerent illā monſtruoſam & mul-
tipliciter ſcādalōſam benefictorū multitudinem.
de quo abuſu antiqui ſapientes conqueſti ſunt, ſi-
cut Guilhelmus episcopus Pariſienſis in uerbo ab

*Cardinaliū nu-
merus minuend-
us.*

breviato de uirtutibus & uicijs c. de signis auaritiæ ecclesiasticorū. quorum rationes expediret diligenter examinare, & pro sedatione conscientiarum, quid super hac re tenendū sit, declarare.

*Grauen ex-
cōmunicationis
papalium.*

De secūdo grauamine supra tacto, scilicet de multiplicatione excōmunicationum, & ex consequenti irregularitatum, quas Ro. ecclesia in suis constitutionibus pœnalibus, & maxime in quibusdā nouis decretalibus imposuit, & sæpe per suos collectores in multorū scandalum fulminauit, & ad cuius exemplum alij prælati leuiter & pro leuibus causis ut pro debitis, uel huiusmodi pauperes excōmunicatione crudeliter percutiunt, necesse est providere, cum hoc sit contra iura, ut xi. q. iij. c. Nullus eum sine concord. Nam gladius ecclesiæ uidelicet excōmunicatio, qui in primitiua ecclesia, uenerāda raritate erat formidabilis, iam propter abusum cōtrarium, contemptibilis effectus est, sicut ostendit doctor subtilis Ioannes Scoti super quarto Sententiarū di. xviij. Qui tamen contemptus ualde periculosus est. quia excōmunicatio maior quæ anathema dicitur, æternæ est mortis damnatio, & non nisi p. mortali debet imponi crimine, & illis qui aliter non potuerunt corrigi, ut habetur xi. q. iij. c. Ne
mo,

Attende.

mo, cui concordat glo. extra de u. sig. ex parte.

De tertio grauamine ratione ecclesiæ, quod imponit alijs in onerosa multitudine statutorũ, canonũ, & decretaliũ, & maxime illorum quæ uidentur ad graues pœnas, & præcipue ad mortales culpas obligare. Et eadem ratione de similibus statutis aut cõstitutiõibus synodalibus prælatorũ prouidẽdũ erit de rationabili alleuatiõne huiusmodi onerũ. ne de prælatis ecclesiæ uerificetur, quod de pharisæis & sacerdotibus synagogæ a Christo impropendo dictũ est. Imponũt onera grauia & importabilia in humeris hominũ, digito aut nolũt ea mouere. Item super quibusdã alijs grauaminibus per Ro. ecclesiam alijs prælatis & ecclesijs superinductis adhibenda erit pũctio, uidelicet super collationibus beneficiorũ & electionibus dignitatũ. Similiter super concessionibus exemptionum, quas Ro. ecclesia pluribus religionibus, abbatibus, & cõuentibus, ac capitulis in præiudiciũ prælatorũ concessit. de quibus iam olim plures deuoti ecclesiæ zelatores cõquesti sunt, sicut beatus Bernhardus in libro ad Eugenium papam & alij. Similiter de pluribus alijs honoribus, reuerentijs, & præemi-

*Graudamen pa-
palium statuto-
rum, canonum,
& decretaliũ.*

*De collationi-
bus beneficiorũ
& prælaturarũ*

*Vsurpatio offi-
ciariorum Ro-
manensium.*

C ij super

super alios prælatos usurpauerunt. Et multis eorum particularibus excessibus, de quibus longū esset per singula discurrere, perutilis & necessaria erit prouisio. Hic aut̃ propter dictos excessus dudum quandam opinionem recitauī, quam nuper in tractatu de ecclesiastica potestate tanquā erroneam reprobendam esse declarauī, uidelicet

*Detraكتورum
Ro. ecclesiæ, sed
bene uolentium
reipublicæ christi-
anæ.*

*Cardinales abo-
lendi, sicut Cor-
episcopi subla-
ti sunt.*

*Qui hoc præ-
sumpserūt, mul-
tum sapuerunt.*

*Tu quoq; Car-
dinalis eras, do-
mine Petre, Ni-
hil aut̃ est sui-
ipsius destructi-
uum, ut nosti.*

cet quorundam detractorū Ro. ecclesiæ, qui in eius odium prætextu quorundam abusuū, statum Cardinalium, quem inutilem & damnosum, nec ab Apostolis uel concilijs institutum, & sine causa rationabili usurpatum, tanquā onerosum ecclesiæ, extirpandum esse dixerūt, sicut olim de statu Corepiscoporum factū esse legitur. lxviij. di. c. corepiscopi. Hunc autem errorem in hac synodo Constantiensi quodammodo resuscitare alii qui præsumpserunt. Qui utinam attenderent iuxta doctrinā Christi, prius trabem de oculo ejus cere, quā festucam de oculo fratrum imò patrū suorum. Vtinam attenderent status episcoporum & aliorū prælatorum, cæterorumque ecclesiasticorum, ac etiā laicorū innumeris abusibus & uicijs deformitatū. Nec tamen ideo huiusmodi status dispensandos esse atque perdendos, quoniā in multis offendimus omnes, sed uiciū uel abusus corrigi

DE REFORMATIONE ECCLESIAE.

435
 corrigi debet & non status destrui, uel suis debitis iuribus defraudari. sicut boni medici officium est ab infirmo morbum tollere, & non infirmum corpus destruere. Vtinā denique considerarent, qualiter domini Cardinales p̄ reformatione ecclesiae, ac status ipsorum se effectualiter paratiores obtulerunt quā quicumque alij cuiuscūque status. Imò plura mēbra ecclesiae, hic suae reformationi resisterunt, cum tamen reformationem capitis importune peterent. Quia ergo Ro. ecclesia in capite & in membris suis se cum ratione temperare studuit, iustum est ut subditae ecclesiae eidem suōque regimini rationabiliter obtemperare & subesse debeant, iuxta uerbum Senecae, Multos reges, si ratio te rexerit.

DE REFORMATIONE PRAELATORVM.



Tertia consideratio erit de reformatione ecclesiae circa partes eius principales, uidelicet, maiores praelatos. Vnde prouidendum erit quod tales eligantur, qui non sint iuuenes indiscreti, aut immorigerati, aut carnales spiritalium ignari, sed graues aetate & moribus, eminentes spirituali scientia & doctrina, qui in suis rebus

C in bus

būs nō sint strenui, & in ecclesiasticis remissi, nec propria magis quàm cōmunia iura procurent, qui angarias & impositiones uel huiusmodi grauamina subiectis non imponant, qui per singulos annos parochias suas cum fructuoso affectu uisitent, qui potentes & tyrānos populi oppressores arguāt & corripiant, qui diuinis scripturis studeant, & nō scientijs practicis & litigiolis totaliter inhæreant, qui uerbis aut ludis ioculatorū & mimorum, aut publicis spectaculis uel superfluis conuiujs nō delectētur, sed moderato habitu & temperato uictu contenti etiā in mensa lectioni diuinarū scripturarū intendant. & ut breuius dicā, in omnibus tales sint, ut cæteris sint fidelibus in exemplū, sicut & esse tenētur. cū illis in officio succedant, quibus à Christo dictū est, Vos estis lux mundi, & uos estis sal terræ &c. & multa similia. Item ut tales ad praelaturas assumerentur, & nō indigni & insufficientes, prouidendum esset, quod electiones praelatorū nō faciliter aut leuiter, sed cū diligenti & graui examinatione confirmarētur, etiā si nullus se opponeret. quia nō sufficit bono patrifamilias constituenti custodē thesauri sui, quod nihil mali sibi de illo opponatur, nisi etiam ipse alijs tacentibus de eius idoneitate diligē

diligenter inquirat. Item quia stultum esset, patrem familias thesaurarium facere sine thesauro, sic similiter facere episcopum sine subiecto populo, sicut sæpe fecit Romana abusio in contemptu status episcopalis, de quibusdam solum titulatis episcopis mendicantibus & girouagis. Item quia mali praelati raro de suis excessibus corriguntur quia non cito etiam contra notorie malos proferatur sententia, sed per multos annos differtur, & sæpe eius puniatio totaliter negligitur, idcirco absque timore mala perpetrant, & plerique eorum, suspensionis, excommunicationis, irregularitatis, ac alias iuris poenas contemnunt. Ideo prouidendum erit, quod circa talia uisitatio & inquisitio fiat, ut talium uita & fama in prouincialibus conciliis, uel si opus sit quandoque in generali concilio summo pontifici referantur, & ad eorum depositionem seu aliam condignam correctionem procedatur. Et licet hodie conciliū non deponat uel restituat episcopos, sed solus papa, ut ij. q. vi. Ideo sicut notat glo. xi. q. iij. c. ep̄s, super uerbo synodo tamē forte nūc expediret ad antiquū morē illius capituli reuerti, ut a generali synodo dānarentur uel absoluerentur episcopi, uel saltem quod hoc fieret in præsencia synodi, ut sic magis cessarent inor

inordinatæ affectiones quæ solent in talibus iustam sententiam impedire . Item si non placeret seruare illum antiquum rigorem Carthaginensis concilij quarti, ut episcopus uilem supellectilem, & mensam ac uictum pauperem habeat, & dignitatis suæ auctoritatem fide & opere & uitæ meritis quærat, saltē placeat moderari quod excessiua pompa prælatorū, in uestibus, ornamentis, familiaribus, equis, conuiujs, & ferculis ad congruam temperantiam restringatur : & quod expensæ in talibus superfluæ (sicut fieri debet) pauperum necessitatibus applicentur . Item tollatur monstruosus ille abusus, quo quidam prælatorū armis spiritualibus depositis, arma corporalia assumunt in campis, sicut principes seculares, & sæpe cum oppressione pauperum, & crudeli effusione sanguinis, cum tamen David ab edificatione templi, quia uir sanguinū erat, prohibitus sit. Item si nō placet seruare illū iuris rigorem, quod non liceat episcopis à sua ecclesia plus tribus hebdomadis abesse, saltē prouideatur quod sine speciali licētia & rationabili causa diu ecclesias suas in præiudicium animarū non deferant, sicut hodie multi prælati faciunt . Item quod monstruosius est, religiosi & monachi, qui plus sunt officiales

les fisci quàm Christi in curijs principum, & cathedris iudiciorū, in cameris computorū, & alijs actibus secularibus militantes contra statuta canonum, ut xi. q. i. Cum te quidem, cum suis similibus. Item prouidendum erit, quod praelati in suis synodis, & eorum officiales in suis curijs, non ad repletionem burfarū intēdant, sed ad correctionem uitiorum, emendationem morū, & ædificationem animarū. Et quod exactiones pro sigillis & literis moderētur, & pœnæ pecuniariæ uel tollantur uel temperētur, aut in totū uel partem ad pios usus notorie applicentur, & quod pœna ex cōmunicationis non leuiter (ut supra tactū est) feratur, Et quod litium prolixitates quæ pauperes spoliant, & multos de suæ iustitiæ prosecutione desperare faciunt, modis congruis rescindantur, Et quorundam aduocatorū & procuratorū insolētia intolerabilis reprimatur. Item si obstante consuetudine nō placet seruare illam rigorosam regulam contra simoniam iure humano impositam, ut nihil pro ordinatiōe aut pallio detur aut accipiatur, ut habet c. v. epistolæ tertiæ Gregorij papæ, & multæ aliæ quæ scribuntur in antiquis iuribus, saltem super his esset aliqua moderatio adhibenda, & pro conscientiarū sedatione

D etiam

etiam multitudini errantium pie condescenden-
do aliqua declaratio facienda, iuxta illud Nico-
lai papæ, qui præsidens in synodo Constantino-
politana dixit, Quia ergo usque adeo uerenda
simoniaca perniciēs hactenus inoleuit, ut uix ali-
qua ecclesia ualeat reperiri, quæ hoc morbo nō
sit aliqua ex parte corrupta, & tanta talium mul-
tudo est, ut dū rigorem canonici iuris super eos
seruare non possumus, necesse sit ut dispensato-
rie ad piæ condescensionis studium animos no-
stros ad præsens inclinemus, à simoniacis con-
secratos in acceptis ordinibus manere permittē-
tes. Hoc enim temporis nimia necessitas permit-
tendum à nobis extorsit &c. Similiter eadē uel
maiori ratione permissio & condescensio facien-
da esset super pluribus alijs iuribus & cōstitutio-
nibus, quæ cōmuniter in scandalum plurimorū
nō seruantur, Vt uerbi gratia, Quod nihil omni-
no liceat accipere in distributiōe graduū ordinū
administratione uel sacramentorū, uel sepultu-
rarum, aut huiusmodi spiritualium uel spirituali-
bus annexorū, Quod nō liceat quemcunq; epi-
scopū uel clericū die dominico absentē esse ser-
uiciorum solennijs, quod clerici ad matutinū &
uesperinū officia uenire tentantur, quod non li-
ceat

ceat clericis ante tertiam horam prādere, quod nullus sacerdotū à quinquagesima usque ad pascha carnes comedat, quod sacerdotes aduentū ieiunēt, Et sic de multis alijs similibus, de quibus uideretur expediens declarare quod non essent praecepta sed concilia. Et similiter de obseruantia ieiunij quadragesimalis, quantū ad quasdam *ieiunia.* personas, & quo ad quasdam circūstātiās esset moderatio adhibenda. Item quia praelatis de diuino cultu specialis cura esse debet, circa huiusmodi reformationē, quae necessaria est, puidendum esset, quod in diuino seruicio nō tam onerosa, plixitas, quā deuota & integra breuitas seruaretur, quod in ecclesijs nō tam magna imaginum & picturarū uarietas multiplicaret, quod *Picturae templorum.* nō tot noua festa solennizarentur, quod non tot nouae ecclesiae aedificarentur, quod nō tot noui *Noua festa.* sancti canonizarentur, quod prae terquam dies *Noua templa.* bus dominicis, & in maioribus festis ab ecclesia *Noui sancti.* institutis liceret operari post auditum officium, *In festis sanctorum post rem diuinā redeundi ad labores.* cum quia in festis saepe magis multiplicatur peccata, in tabernis, in choreis, & alijs lasciujs, quas docet ociositas, Tū quia dies operabiles uix sufficiunt pauperibus ad uitae necessaria procuranda, Quod in huiusmodi festis scripturae apo-

*Ineptiæ recen-
tiorū nō legen-
dæ in templis.*

cryphæ, aut hymni noui, uel orationes, seu aliæ uoluntariæ uoluntates non legerentur omiſſis antiquis, & autenticis, & iam in eccleſia conſuetis, Et quod generaliter omnis nouitas & uarietas, ac uſum diuerſitas in horis ac alijs diuinis ſeruitijs (quantum fieri poſſet) uicaretur, iuxta decretum Toletani concilij xi. de quo xij. diſt. c. De his. & multa alia utilia eſſent per prælatorū diligentia prouidenda, quæ per ſingula diſcutere longum eſſet.

DE REFORMATIONE RELIGIONVM
ET RELIGIOSORVM.

DE MO
NA
CHIS.



Varta cōſideratio erit de his quæ reformanda eſſent circa ſtatum religionorū. Et primo uidetur quod tanta religionorū numerositas & uarietas non expediat, quæ inducit ad uarietatem morum, & quandoque ad contrarietatem & repugnātiā obſeruationū, & ſæpe ad ſingularitatem & ad ſuperbiam & uanam extollentiam *unius* ſtatus ſuper alium. Ex maxime uidetur neceſſarium quod diminuerentur religiones ordinum mendicantium, quia tot ſunt & in numero conuentuum, & in numero ſuppoſitorum,

rum, ut eorū status sit onerosus hominibus, dāno
 sus leproforijs & hospitalibus, ac alijs uere pau-
 peribus & miserabilibus indigētibus, quibus cō-
 uenit ius uerus titulus mendicandi, ipsis quoque
 curatis parochialibus, & si bene consideretur eti-
 am praeiudicialis omnibus ecclesiae statibus, &
 specialiter huiusmodi religiosi intolerabilis, &
 eorum professioni contrarius, & maxime in mul-
 tiplicatione magistrorū bullatorū, & saepe indi-
 gnorum, ipsis religionibus onerosorum. De qua
 materia & eorū uarijs excessibus pauca loquor.
 quia sunt plures doctores, qui de hoc abūde scri-
 pserunt. Item prouidēdum esset super correctio-
 ne Quæstuariorū prædicantium siue religioso-
 rum siue secularium, quoniam suis mendacijs &
 immundicijs maculant ecclesiam, & eam ridicu-
 lam reddunt, & officium prædicationis maxime
 honorandū iam contemptibile efficiunt.

133
 Do wer uil uon
 zu sagen und
 zu schryben.

Questores qui
 reliquias san-
 ctorum circūse-
 runt.

Vnde prædicatio quæ propter sui reuerentiam
 ad prælatos pertinet, non esset tot & talibus ui-
 libus quæstuarijs & mendicantibus permittēda.
 Item cum in Calcedonenſi concilio statutum sit,
 ut habetur xvi. q. i. Qui uere, quod monachi tan-
 tummodo intenti sint ieiunijs & orationi in locis
 ubi renunciauerunt seculo remanentes, nec ec-

D iij cle

clasticis nec secularibus negocijs, ppria monasteria deferendo insistant, providendum esset quod nec etiā occasione studij claustra relinquerent, uel saltem moderandum quod solum ratione studij Theologiæ, cum nimis multi seculares hodie studeant in litium facultate, ipsa quoque Theologia in statu secularium paucos habeat sectatores propter abusum Romanæ curiæ, quæ Theologos contemplit, & in omni ecclesiastico gradu lucratiuarū scientiarum studiosos præposuit, cum tamen primitiui Theologi ecclesiam ædificauerint, quam aliqui baritatores destruxerunt, & nunc eam quasi ad extremam ruinam deducere uidentur, adeo ut iam horrendum quorundam proverbium sit, Ad hunc statum uenisse ecclesiam, ut non sit digna regi, nisi per reprobos. Item nunc maxime opus esset ad obuiandum insultibus infidelium, quod reformarentur religiones militares, & ad seruandū fidem, mores, & patrū regulas, & ad priores institutiones cogerentur. Item circa claustra monialium quæ iam pro dolor ultra quàm dicere audeā, de honestatē sunt, esset correctio adhibenda. Et inter alias prouisiones hoc uideretur expediēs, quod nulla religio mulierū sustineret, nisi tales haberent

Facultas litium
iuristrey.

Antiqui Theologi religionem plantarunt, sed eam scholastici isti suis prauis logicalibus destruxerunt, dico distinxerunt hominū traditiōes admirando, & euangelicam doctrinam ut nimis simplicem contemnen-

do.
Religiones militares.
Moniales.

rent redditus unde possent sufficiēter sustentari
 in suis domibus reclusæ sine mendicitate & dis-
 cursu, & quod de eorū ecclesijs seu quorūcūque
 aliorū religiosorū monasterijs, uel prioratibus,
 uel domibus, uel spiritaliter in moribus destru-
 ctis, uel in rebus tēporaliter desolatis fieret appli-
 catio ad alia claustra, in quibus religio seruaretur,
 ut per talem religiosarū domorū unionē super-
 flua numerositas religionū restringeretur, & re-
 sidua paucitas bonorū & deuotorū cōmodius
 sustentaretur. Item in monasterijs esset inuiolabi-
 liter obseruandū, quod nullus nisi infirmus, aut
 debilis, aut hospes, comederet extra refectoriū.
 quia experientia docet, quod ubi hoc seruaretur
 aliæ religionis obseruantiaē tenerentur facilius.
 Item pro serenandis cōscientijs deuotorum reli-
 giosorū, summo opere cauendū est eis, ne à prin-
 cipibus aut alijs, redditus suos aut alia ad ipsorū
 sustentationem pertinentia, procurēt ex iniustis
 exactionibus, aut quomodolibet illicite acquisi-
 tis: Ne etiā iura prælatorū, ecclesiarū, & sacerdo-
 tum parochialium indebite occupent, siue in de-
 cimis siue in alijs prouentibus ecclesiasticis, Ne
 etiam in præiudicium ordinariorū ab eorū sub-
 iectione iuri diuino consona, & in Calcedonenſi
 con

concilio sanctorum patrum decreto firmata, ut patet xvi. q. i. c. Qui uere, per opportunam humanorum priuilegiorum impetrationem & uolentiam exemptionē damnabiliter se subducāt. Nam secundum aliquos, nō est mediocriter dubitandum an tales sint in statu saluandorum, ut patet ex deductione Cantoris Parisiensis in uerbo abbreviato capitulo xxxvij. Item in quibusdā religionibus deuotis, quæ regulæ beati Benedicti rigorem superaddunt in prolixitate uigiliarū & orationum, & austeritate ieiuniorum & abstinētiarum, & alijs uarijs obseruantijs afflictiuis, uideretur prouidendum de indiscreta moderatione, & maxime circa infirmos, ut salua Christi lege nihil eis quod discreti medici consulerint negetur, siue in esu carniū, siue in alijs quibuscunque cōmoditatibus humanæ fragilitati, & naturali indigentiae opportunis.

Alioquin non dixisset Christus, Non est opus sanis medico, si nō concessisset opus esse infirmis medicorum consilio.



Vinta consideratio erit de his,
quæ reformanda sunt circa sta-
tum inferiorum, ecclesiarum & ec-
clesiasticorum uirorū. Et primo
generaliter est prouidēdū, quod
in ecclesiasticis beneficijs iuxta eorum eminenti-
as ponantur personæ benemeritæ, & nō præfe-
rantur fatui & ignari scientificis & sapientibus,
nec iuuenes senibus, nec illis de una patria quo-
rum uita & conuersatio nota est, & probata, ali-
qui extranei & alieni in moribus, linguis, & con-
suetudinibus, Nec potentes aut nobiles pueri cle-
ricis probatis & famosis doctrina atq; moribus,
Nec aduocati aut intenti scientijs lucratiuis, uel
curiales, aut dominorū temporalium seruitores,
sacræ scripturæ doctores, sicut à multis iam re-
tro actis temporibus Romana curia facere con-
suevit. Et ideo erit expediēs, quod ordinarij, qui
in suis locis habere possunt & debent bene meri-
tarum notitiam personarū, iuxta earum merita,
beneficia conferant, Vel saltem quod eorum col-
latio nō omnino tollatur, ita tamen quod ut ob-

E uietur

uictur eorū abufibus, potestas ordinaria limite-
tur, ut uerbi gratia, quod nō possint dignitates &
beneficia maiora cōferre, nisi doctoribus in The-
ologia, uel iniure, quando cunque in suis uel pro-
pinquis diocesibus erūt aliqui huiusmodi: quod
non possint etiam nisi graduatis uel nobilibus,
uel aliās bene meritis cōferre curas, personatus
uel alia beneficia ualoris centum librarum uel ul-
tra in portatis. Et ita de multis similibus prouisio-
nibus, per quas & digni promouerentur, & mul-
ti nobiles & alij ingeniosi ad studium literarum
prouocarentur, & uniuerситates studiorum flore-
rent, & (quod ualde optandum est) importunæ
& uiolentæ preces dominorum temporalium
pro indignis cessarent, quæ hodie quàm pericu-
lose fiant, docet experientia. Hæc autem quæ de
graduatis dicta sunt, per modum exempli po-
nuntur, quæ etiam moderari possunt & alia ad-
di, ad prouisionem aliorum sufficientium, licet
non graduatorū. Item prouidendum esset, quod
uniuerситates studiorum reformarentur, & per
prælatos scientificos uisarentur, ut gradus di-
stribuerentur dignis sine fauore aut acceptatio-
ne personarum, & cum rigore examinis in scien-
tia &

*Academiarum
reformatio.*

DE REFORMATIONE ECCLESIAE.

139
tia & moribus, ut doctrinae utiles refecatis super
fluis aut minus utilibus legerentur, ut instructo-
res Rhetoricæ & linguarum Græcæ & Latinæ, *Attende de lin-
guâ Græca.*
quarum ignorantia multipliciter damnosa est,
haberentur, Et ut alijs studiosis actibus reipub-
licæ tam spirituali quàm temporali utilibus iuue-
num ingenia exercentur. Item adhibenda esset
correctio circa mores ecclesiasticorum, qui iam
nimis prohi dolor sunt corrupti ira, gula, luxu-
ria, pompa, prodigalitate, ocio, & alijs generi-
bus, quod cedit in graue laicorum scandalum.
Et maxime obuiandum esset illi scandalosissi-
mæ cōsuetudini seu potius corruptelæ, qua plu-
res hodie non uerentur tenere etiam publice cō-
cubinas. Et quia aduersus eos pœnæ iuris, sus-
pensionis, excommunicationis, irregularitatis
nō proficiunt, cōtra tales in hac uel alijs inhon-
estatibus publicis incorrigibiles, haberet locū pœ-
na depolitiōis ab officio uel beneficio.

Item quia Archidiaconi ab ecclesia instituti sunt
ut seruiant Episcopis, ut habetur originaliter
Actuum sexto, & specialius declarantur eorum
officia, decimatertia distinct. quasi per totum.
Ideo prouidendum erit, ut debita officia exer-

E ij ceant

ceant, uel cum sint ecclesiæ onerosi, penitus extirpentur, sicut supra de Corepiscopis dictum est. Item quia dicit Hieronymus. Pauci sacerdotes, multi sacerdotes. pauci merito, multi numero, Ideo cōtra hanc scandalosam multitudinē esset summo opere obuiandum, per hoc quod nō promouerētur, nisi digni & bene morigerati, habentes scientiam ligandi & soluendi, & intelligentiā diuini seruicij. Item ad obuiandum ignorantiae sacerdotum iam promotorum, in ecclesijs cathedralibus & notabilibus collegiatis essent scribendi aliqui breues tractatus, & etiā in synodis publicandi tām in Latino quā in uulgari super instructione necessaria de uirtutibus & uicijs, de articulis fidei, de sacramentis, de modo confessionis & huiusmodi. Similiter in huiusmodi ecclesijs deberet esse aliquis lector Theologiæ, qui legeret secundum & tertium & quartum sententiarum, uel recipiendo utiliores materias dictorū librorum, eas sub breuitate applicaret ad expositionem & intelligentiam epistolarū & euangeliorū, quæ in ecclesia per anni circulū recitātur. Similiter in diētis ecclesijs, & maxime in metropolitanis deberent esse notabiles librariæ Theologiæ, & iuris canonici, ac librorū moralium, & maxime quod magnus

DE REFORMATIONE ECCLESIAE

141
magnus liber conciliorū generalium, qui modo
rarus est, licet sit perutilis & necessarius, à metro-
politani in magnis ecclesijs reponeretur. Item
quia correctio subiectorum sæpe per eorum ap-
pellationes impeditur, & datur peccandi auda-
cia: etiam circa eas adhibenda moderatio est, ne
in earū nimis facili receptione & admissione in-
feriōres prælati à Metropolitanis uel Romana
curia in ordinaria executione iusticiæ grauaren-
tur, sicut iam dudum beatus Bernhardus con-
quereretur in libro de consideratione ad Euge-
nium papā. Qui liber in hoc & alijs multis pro
reformatione ecclesiæ non mediocriter utilis est
& plures eius libri & epistolæ.

DE REFORMATIONE LAICORVM ET PRINCIPVM.



Exta & ultima cōsideratio erit de
reformandis circa statum laicorū
Christianorum, & maxime prin-
cipum, à quorū moribus depen-
det morigeratio populorū. Quia

ut dicit poëta.

componitur orbis.

Mobile mutatur semper cum principe uulgas.

Regis ad exemplum totus *Claudianus.*

Et iterum,

B in Et

Et ideo prouideāt principes Christi ani, ut titulū
 suæ Christianitatis quē uerbo cōfitentur, opere
 non negent cōtra Christi doctrinā, & per uias ei
 cōtrarias in cōspectu sui populi corruptis mori-
 bus incedentes, suis malis exemplis mores subdi-
 torum corrūpant. Item quod liberos suos in bo-
 nis operibus ac moribus, & in literarū sciētijs in-
 formari fa ciant. Item ut nō solū a se, sed a suis fa-
 miliaribus & domesticis, superfluā & superbam
 uanitatē, auaritiā, & tyrannidem abijciant. Item
 quod populū iplis subiectū bonis moribus ædi-
 ficare studeant, eos à luxuria, auaritia, ocio, & à
 cunctis uicijs reipublicæ contrarijs retra hant, &
 specialiter à dei & sanctorū blasphemia, quæ sæ-
 pe in iuramentis & periurijs cōmittitur, arceant.
 Item quod malas cōsuetudines iuri diuino & hu-
 mano contrarias in suis subiectis per consilium
 Theologorū & aliorū prudentū repellant. Item
 quod artes magicas & alias superstitiones diui-
 na lege damnatas, & omnes errores & hæreses
 fidei contrarias diligentius euellent & destruāt.
 Item quod ad fidei exaltationē, diuini cultus ho-
 norem, ecclesie reformationem, inuigilent ad ea
 quæ supra & infra pro huiusmodi reformatione
 notata sunt, & alia quæcunque utilia diligenter
 labo

DE REFORMATIONE ECCLESIAE

laborent. Item quod zelo iustitiæ contra persecutores & oppressores ecclesiæ, pauperū, & debiliū excandescāt, & eorum iniurias propulsare non tardent. Vicinis quoque & peregrinis fidem catholicę fraternitatis obseruēt. Item cōtra Sarrazenos & alios fidei aduersarios potēter insurgant, & nunc dū maxime opus est post urcitā & reformatā ecclesiā, infideliū insultibus uiriliter se opponant, ac ppter hoc guerras & bella quæ iam proh dolor & in imperio & in regnis Christianis in contumeliā Christiani nominis crudeliter sæuiunt, misericorditer cōpescant, & ad Christianam pacē & unionē reducant. Alioqui infalibiliter uerificabitur uerbum Christi, Omne regnum in se diuisum desolabit̃. Item quod Iudæis ppter uilem quæstū turpiter nō faueāt, eos uide licet inter subiectos suos morari permittēdo, nisi uel Christianis seruiēdo, agros colēdo, uel aliās mechanice laborando, & non usuras damnabiles in damnum Christianorum exercendo. Item quod Iudæorum conuersorū bona non rapiant, sed ad uitæ necessitatē eis possidere permittant. ne egestate cōpuli, apostatēt, & Christianos impietatis arguāt. Item multa alia essent per principes cum generali concilio ecclesiæ cōtra statum

143
*De Iudæis non
spoliandis, si ad
nos transeant.*

Christiani populi reformanda, quæ si impedi-
ant, imò si ea diligenter non promoueat, timen-
dum est eis ne contra ipsos manus domini (pro-
ut iam incipit) gladiū sui furoris exerceat. Item
propter præmissa expedit, quod reges & princi-
pes mittantur ad generalia concilia, nō ad one-
randum & confundendū sed ad honorandū, &
confortandam ecclesiam, & ad ea quæ ibi decre-
ta fuerint (quantū in eis est) exequendum. Item
quia iuxta euangelicā sententiā quam etiā expe-
rientia rerū magistra docet, inter reges gentiū &
principes seculi sæpe fit cōtentio, quis eorum ui-
deatur esse maior, quā contentiōne Christus in-
ter discipulos suos uitari docuit. Ideo nō uidetur
expediens quod de cætero in generalibus con-
cilijs pro deliberando ad partem super rebus ge-
rendis fiat diuisio per nationes uel regna, quia ta-
lis modus diuidendi magis est secularis quā ec-
clesiasticus, & ad contentiones de maiortate uel
superioritate dispositiuus. Sed iuxta ecclesiasti-
cas sanctiones & sanctorū patrū obseruantias,
magis uidetur esse procedendum per provin-
cias ecclesiastico more distinctas. Tamen quia
huiusmodi prouinciæ ualde inæqualiter sunt
diuisæ in diuersis mundi regionibus, ideo expe-
diens

DE REFORMATIONE ECCLESIAE.

diens uideretur hanc moderationem obseruari, quod ad constituendam prouinciam in concilio generali nō sufficeret minor numerus quā xij. nobilium personarū, quarū sex ad minus essent praelati uel ambasiatores regum, principum, uel uniuerſitatū generalīū studiorū, aut doctores in Theologia uel in iure, & illorū sex ad minus duo essent episcopi, nō titulares aut girouagi. alij uero sex sint in minoribus dignitatibus ecclesiasticis constituti, uel in aliqua facultate graduati.

Quando uero in aliqua prouincia non esset talis numerus aut taliū personarū, quod supplere tur de alijs uicinis prouincijs, & constitueretur una ex pluribus, quæ denominaretur ab illa, cuius ibi essent plura aut notabilia supposita. Et quod huiusmodi personarū electio fieret in concilijs prouincialibus, generale concilium præcedentibus, Et ibidem ordinaretur de stipendijs, expensis, & sumptibus eorundem per modum subsidij charitatiui ecclesiastico more, & non seculari auctoritate uel potestate imponendi & exequendi.

Item quia ecclesia non potest principes ad prædicta reformanda temporaliter cogere, expediens erit quod per generale cōcilium ipsos ad ea monitis salutaribus exhortetur, ut sic faciendo
quod

quod in se est, apud summū iudicem excusetur. Nec solū opus erit exhortatorijs uerbis, sed etiā bonorū morū & in melius reformatorum actū exemplis. quia plus mouent exempla quā uerba, ideo cœpit Iesus facere & docere. Vnde nihil est quod tam efficaciter possit siue ad bonum siue ad malum principes & alios laicos inducere sicut facta exemplaria ecclesiasticorum. Ideo super illud Matthei. xxi. & intrauit Iesus in templū & c. dicit Chrysostomus, Sicut de templo omne bonum egreditur, ita de templo omne malū procedit. Si enim sacerdotium integrum fuerit, tota ecclesia floret, Si autem corruptū fuerit, omniū fides & uirtus marcida est. Sicut cum uides arborem pallentibus folijs, intelligas quod uicium habet in radice. sic cum uideris populū indisciplinatum, sine dubio cognosce quod sacerdotium non est sanum. Et inde patet quod necessaria sit ecclesiasticorum reformatio, cum morum suorū deformatio tam periculosa sit, & cunctis fidelibus populis tam damnosa. Auertat autem misericors dominus ab ecclesia sua hanc contumeliā ut omnes prælati, sacerdotes, aut alij ecclesiastici huius lamentabilis deformationis reperiātur culpabiles. Sed sicut olim ipse sibi in Israël septē milia